



Republika e Kosovës
Republika Kosova-Republic of Kosovo
Qeveria -Vlada-Government

Ministria e Mjedisit dhe Planifikimit Hapësinor
Ministarstvo Životne Sredine i Prostornog Planiranja
Ministry of Environment and Spatial Planning

Datë _____
Nr. _____

Duke marrë parasysh nenin 10 të Ligjit Nr. 06/L-113 për Organizimin dhe Funkcionimin e Administratës Shtetërore dhe të Agjencive të Pavarura, (Gazeta Zyrtare, Nr. 7/01 Mars, 2019), Nenin 8 (paragrafi 1.4) të Rregullores Nr. 02/2011 për Fushat e Përgjegjësisë Administrative të Zyrës së Kryeministrit dhe Ministrive, dhe Nenin 5 të Ligjit për Vetëqeverisje Lokale, (Gazeta Zyrtare, Nr. 28/04 Qershor 2008), si dhe Ligjin Nr. 06/I -133 mbi ndarjet buxhetore për buxhetin e Republikës së Kosovës për vitin 2019, (Gazeta Zyrtare e Republikës së Kosovës / Nr. 4 / 14 shkurt 2019, lidhe këtë

**MARRËVESHJE MIRËKUPTIMI PËR BASHKËFINANCIMIN E PROJEKTIT
"Pastrimi i Profileve kritike-emergjente të Lumenjeve për mirëmbajtje të kapacitetit
bartes të ujerrjedhave" Komuna e Rahovecit**

Palët Nënshkruese

1. Ministria e Mjedisit dhe Planifikimit Hapësinor e përfaqësuar nga Ministri i MMPH-së (në tekstin e mëtejme MMPH),

dhe
2. Komuna e Rahovecit e përfaqësuar nga Kryetari i Komunës, (në tekstin e mëtejme Komuna),

Neni 1 **Qëllimi**

Qëllimi i kësaj Marrëveshje është bashkëfinancimi i projektit **“Pastrimi i Profileve kritike-emergjente te Lumenjeve per mirembajtje te kapacitetit bartes te ujerrjedhave” Komuna e Rahovecit “** si dhe përcaktimi i obligimeve të MMPH-së dhe Komunës së Rahovecit për realizimin e projektit në fjalë.

Neni 2 **Vlera e projektit dhe mënyra e Bashkëfinancimit**

1. MMPH financon këtë projekt në shumën e tërësishme në vlerë prej: 60,000.00 €, per vitin buxhetor 2019.
2. Komuna e Rahovecit financon çdo obligim shtesë që mund të dal mbi shumën e lartëshkruar të këtij projekti.

Neni 3 **Obligimet e Ministrisë së Mjedisit dhe Planifikimit Hapësinor**

1. MMPH-ja i zoton mjetet për projektin nga neni 2 i kësaj Marrëveshje dhe një kopje e dërgon në Komunë.
2. Pagesat për bashkëfinancimin e projektit **“Pastrimi i Profileve kritike-emergjente te Lumenjeve per mirembajtje te kapacitetit bartes te ujerrjedhave” Komuna e Rahovecit “** nga MMPH, do të bëhen në pajtim me realizimin e punimeve/furnizimeve sipas kushteve të kontratës, përveç avansit.
3. MMPH cakton një zyrtar monitorues lidhur me këtë projekt, i cili monitoron projektin nga fillimi deri në përfundim të kontratës dhe në momentin kur i vëren parregullsitë apo defektet gjatë realizimit të kontratës njofton menaxhmentin e MMPH-së.

Neni 4 **Obligimet e Komunës**

1. Komuna obligohet që t'i krijoj kushtet e nevojshme për realizimin e projektit **“Pastrimi i Profileve kritike-emergjente te Lumenjeve per mirembajtje te kapacitetit bartes te ujerrjedhave” Komuna e Rahovecit “** për operatorin ekonomik, të ndërmer të gjitha masat që kontraktuesi pa pengesa të filloj implementimin (furnizimin) e projektit me kohë si dhe të siguroj specifikacionin teknik.
2. Komuna obligohet që projektin **“Pastrimi i Profileve kritike-emergjente te Lumenjeve per mirembajtje te kapacitetit bartes te ujerrjedhave” Komuna e Rahovecit “** realizoj në pajtim

me Ligjin Nr. 04/L-042 e Prokurimit Publik dhe të Ligjit Nr. 04/L-194 për Menaxhimin e Financave Publike dhe Përgjegjësitë, si dhe aktet nënligjore për zbatimin e këtyre ligjeve.

3. Komuna e kryen procesin e tenderimit, cakton komisionin e hapjes dhe vlerësimit të tenderit.

4. Komuna emëron projekt menaxherin/organin mbikëqyrës për realizimin e projektit si dhe për inspektimin final të punimeve/pranimin teknik;

5. Projekt menaxheri/organi mbikëqyrës me përgjegjësi të plotë vërteton sasisë dhe kualitetin e punëve/furnizimeve të kryera në bazë të cilave operatori ekonomik lëshon dokumentin financiar me kërkesë për pagimin e punëve/furnizimeve të kryera në bazë të kushteve të kontratës.

6. Komuna obligohet që të njoftoj MMPH-në për çdo propozim ndryshim eventual të sasisë dhe kualitetit gjatë implementimit të projektit, dhe për këtë të kërkoj pëlqimin e MMPH-së.

7. Komuna obligohet që të vendos tabelën informuese (Panon) me shënimet për projektin, investitorët dhe operatorin ekonomik në vendpunishte/paisje.

8. Komuna obligohet që për të realizuar pagesat për punët/furnizimet e kryera në nivel të financimit nga ana e MMPH-së, të kompletoj këto dokumente :

8.1 Procesverbalin e hapjes së tenderit dhe raportin e vlerësimit të tenderit (si dhe në rastet e korrigjimit të çmimeve të dorëzohen dokumentet e korrigjuara).

8.2 Kopjen e Kontratës të nënshkruar me operatorin ekonomik së bashku me ofertën financiare, të verifikuar nga origjinali prej menaxherit të prokurimit të komunës.

8.3 Vendimi mbi emërimin e projekt menaxherit/organit mbikëqyrës/komisionin e pranimin nga ana e Komunës.

8.4 Raportin e projekt menaxherit/organit mbikëqyrës/komisionit të pranimin mbi punët/furnizimet e kryera dhe të aprovuara (situationet e aprovuara).

8.5 Faturën origjinale nga operatori ekonomik deri në lartësinë e shumës së financuar nga MMPH.

8.6 Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK-Departamenti i Thesarit-Ministria e Financave).

9. Komuna duhet të ndërmerr të gjitha masat që projekti të përfundoj gjatë vitit buxhetor 2019.

10. Komuna është e obliguar të njoftoi MMPH për rrjedhat e realizimit të projektit sipas progresit të punimeve deri në përfundim të projektit.

Neni 5
Ndryshimet dhe ndërprerja e Marrëveshjes së Mirëkuptimit

1. Me pëlqimin paraprak të Ministrit të MMPH-së, dhe Kryetarit të Komunës, marrëveshja mund të ndryshohet dhe plotësohet.

2. MMPH-ja mbanë të drejtën e ndërprerjes së shfrytëzimit të buxhetit për këtë destinim në rast se konstaton se Komuna nuk i ka përmbushur obligimet e veta të dala nga kjo Marrëveshje.

Neni 6
Zgjidhja e marrëveshjes

Palët janë pajtuar në mes vete që kjo marrëveshje të zgjidhet me mirëkuptim.

Neni 7
Numri i kopjeve

Marrëveshja e Mirëkuptimit është nënshkruar në dy kopje, nga një kopje për secilën palë nënshkruese.

Neni 8
Pronësia e projektit


1. Me pranim dorëzimit të punëve të kryera nga ana e operatorit ekonomik, ky investim (projekt) nga kjo Marrëveshje e Mirëkuptimit do kalojë në pronësi të Komunës.

2. Ky investim regjistrohet në pronësi të komunës në mënyrë elektronike dhe fizike, në sistemin e pasurisë në Ministrinë e Financave (SMIFK).

Neni 9
Hyrja në fuqi

Palët nënshkruese janë pajtuar që kjo marrëveshje e mirëkuptimit të fillon të zbatohet nga dita e nënshkrimit.

Fatmir Matoshi,
Minister i MMPH-së



Smajl Latifi,
Kryetar i Komunës së Rahovecit

